

1°. Եթէ ոք չիցէ հմուտ աստուածային Հին և Նոր Կտակարանաց և տեղեակ եկեղեցական կարգաց եւ օրինաց, և չիցէ անեալ միաբանութեամբ յերուսաղէմ, եւ կատարեալ հմուտ ելից և մտից Աթոռոյն և ամենայն կարգաց, օրինաց և դործոց նորին, թէ արտաքուստ իցէ և թէ 'ի ներքուստ, այնպիսին ազահութեան եւ տգիտութեան ախտիւ անտացեալ՝ եթէ յանդգնեսցի մարդահաճութեամբ և սնախառութեամբ Պատրիարք եւ կամ Փոխանորդ լինել Աթոռոյն այնորիկ՝ նզովեալ եղիցի :

2°. Եթէ ոք ժպրհնացի յաշխարհականաց՝ Պապա՝ Նապր՝ Վէքիլ՝ և այլ անուամբ վերակացու և դործակալ կարգել երուսաղէմի, և ցուցանել նմա զայլ իմն ճանապարհ խոտորնակ, յորմէ պատճառի մնաս վնաց Ս. Յակոբայ, այնպիսին թէ եկեղեցական իցէ, և թէ աշխարհական, նզովեալ եղիցի :

3°. Եթէ ոք կամիցի և կամ պատճառ լիցի միաւորել զՊատրիարքութիւնն երուսաղէմի ընդ Պատրիարքութեան Կոստանդինուպօլսի, և կամ ընդ այլ Աթոռոյ, և ոչ յօժարեսցի առանձին լինել Աթոռոյն այնորիկ՝ որպէս այլոց ազգացն, այնպիսին որոշեալ եղիցի 'ի Բրիտոնէական սուրբ հաւատոյս :

Զայսոսիկ երկու Կանոնական գլուխս բանից եգին յայնժամ Կաթողիկոսն և Պատրիարքն խորհրդով ազգին՝ 'ի հաստատութիւն Աթոռոյն երուսաղէմի, զի միշտ 'ի մտի՝ եւ գրեթէ առաջի աչաց ունէին զառաջին անցս անկարգութեանց, որ 'ի ձեռն անզգաստից ոմանց տեղի գտեալ՝ վեր 'ի վայր արարին զամենայն կարգս և զկանոնս Աթոռոյն, և հասուցին զայն 'ի յետին վատթարութիւն, և առիթ եղեն բազմապատիկ մնասուց, զայթակղութեանց և 'ի կորուստ ազգային իրաւանց . զի յաղագս եպերեկի չահասիրութեան եւ անձնասիրութեան իւրեանց պառակտէին և զգուէին զիրօնաւորս և ցրուէին զնոսս, որպէս տեսաւ ցարդ յընթացս Պատմութեան : Նմին իրի՝ սահմանեցին յօրէ յայնմանէ ընտրել զՊատրիարք Աթոռոյն երուսաղէմի 'ի միաբանական Ուխտէ Ս. Յակոբայ : Զի զայսպիսի սովորութիւնս ունէին նաեւ յառաջին դարս, յորում Եգիպտական իշխանութիւնն տիրէր Պաղեստին երկրին